


T2665/8615B

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAR 5 1941



隆平集第十卷

哈佛大學漢和
圖書館珍藏印

宋曾文定公編撰南豐後學彭期訂

樞密

王繼英開封人少爲筆吏趙普罷相常從者去繼英
奉事愈謹普復相以補中書省官真宗在襄邸爲前
導卽位擢引進使未幾除宣徽南院使景德二年樞
密使三年堯年六十一贈侍中諡恭懿

王顯開封府人少給事晉邸卽位補右班殿直未幾數加進擢太平興國八年除宣徽南院使兼樞密副使淳化二年罷爲節度使咸平二年樞密使三年罷復建節卒年七十六贈中書令子希逸太常博士直史館希範竝遷官

韓崇訓字知禮節度使重贊之子以父任爲供奉官累擢四方館使樞密都承旨景德三年簽書樞密院事求罷除防禦使求致仕以本官分司卒崇訓長厚謙畏未嘗忤物

周瑩左領軍衛上將軍景之子少給事晉邸卽位補殿直累擢容省使簽書提點宣徽樞密院諸房公事與內臣劉承珪對領其任非舊制也機要事竝令關決樞臣皆不敢專之咸平初擢瑩宣徽使三年兼知樞密院事承珪同罷提點諸房是後不復置瑩五年罷除節度使高陽關都帥屢歷藩鎮以畏懦聞卒年六十六贈侍中諡元惠

劉昌言字禹謨泉州人淳化四年同知樞密院事至道元年罷

趙鎔淳化四年除宣徽北院使兼知樞密院事至道元年改南院使至道三年罷

李惟清至道三年同知樞密院事是年改御史中丞王嗣宗字希阮汾州人開寶八年登進士第甲科是年初置司寇參軍卽以授嗣宗累擢至御史中丞改耀州觀察使大中祥符七年樞密副使八年求罷除大同軍節度使知許州又改感德靜難二鎮以左屯衛上將軍致仕卒年七十八贈侍中揚楚開有窄家神廟民有疾不服藥而祠之并州有龍王廟郡人敬

信邠州靈應公廟傍有羣狐居之民以祈水旱疾病

嗣宗爲發運使知并汾州毀二廟燻狐穴淫祀遂息

嗣宗所至御下嚴峻頗陵慢士人在朝廷力詆大臣

嘗厚結王旦之弟求知於旦旦惡其爲人不答故於

上前屢言中書不法事雖無實上亦優容之平時忿

宋白郭贇邢昺七十不請老亦言於上及其晚年疾

甚雖求退章一上而已猶欲得郡而朝廷特授以環

衛官致仕頗悒悒不自釋爲衆所哈

馬知節字子元父全義國史有傳全疑脫卒字義太祖深念之

知節方七歲名見特授供奉官命樞密進三名御筆
寫知節字賜之少感慨自立未冠監彭州兵有老成
風景德三年簽書樞密院事遷副使大中祥符七年
罷天禧元年知樞密院事二年罷以疾除節度觀察
畱後求外任授知貝州旣而上憫其癯瘠止命歸鎮
而上黨大名之民爭求迎之卒年六十五贈侍中謚
正惠知節大中祥符四年嘗加宣徽北院使在樞府
頗輕視馮拯王欽若等賦性疎直遇事敢言不少自
屈所與游皆時之賢士居常以方略自任初監兵潭

州何承矩爲守頗以文雅飾吏治知節慕之故折節
讀書雍熙閒護博州兵時劉廷讓敗於君子館知節
完城繕甲儲積芻粟僚吏皆不悅旣而虜果至以有
備引去李順之叛詔與王繼興同討賊繼興惡其不
附已遣知彭州付以羸兵扞賊賊十萬衆攻城知節
力戰適兵至而賊潰時劉景帳下有叛卒三千知節
皆戮之知秦州州嘗質羌酋支屬二十餘人踰二紀
矣知節曰羌亦人豈不懷歸悉釋之羌懷其德訖終
更不犯塞知益州始請以省校代鄉戶運舟自是蜀

人免破產之患。在延州。戎寇至。方上元。遂張燈。啓關

宴樂。累夕。虜不測。因引去。詔發澶魏六州糧輸定武。

時虜方內寇。知節守鎮州。曰糧之來。資寇也。止令於

舟車所至收之。魯無所得而遁。知節所至皆以威愛

臨下。而事無不濟。特疾惡太過。不能無怨也。

周起字萬卿。淄州人也。母得吉夢而生起。咸異之。謂

必大其門。因名之曰起。咸平二年。登進士第。累擢知

制誥。樞密直學士。天禧元年。同知樞密院事。三年。改

副使。與寇準善。丁謂用事。四年。以疾罷。起降太常少

卿。及謂貶。始復祕書監。禮部侍郎。知穎陳汝州。卒。年

五十八。贈禮部尚書。諡安惠。起善真行書。弟越亦以

能書稱。子延荷。延讓。延壽。景德中。詔改鼓司為登聞

鼓院。首以起主判。東封還。羣臣多獻文章以頌德。起

獨上書言天下之勢常患恬於安逸。而忽於兢慎。願

母以告。成爲恃。帝嘉納焉。起嘗患貢舉之弊。因建議

糊名以革之。至今爲著令。初置糾察司。起居其職。言

止閱文案。慮不能盡情。請已決而事枉。及拷掠非理。

竝聽訴於本司。從之。權知開封。聽斷明審。廷無畱事。

以本官兼侍中判鄧州及洵。誅改上將軍知隨州。又坐私貨景靈宮公用錢。貶節度副使。房州安置。至襄州。內臣楊懷敏逼使自縊。以暴疾卒。聞年五十九。利用徃奉使之勞。驟居大任。遂自驕肆。奏事簾前。頗不祇肅。多裁抑貴戚宦官。而親舊或乘閒獲進。故不免禍。既死人。或以爲冤。子沔。涿初樞密。既以利用名聞。真宗令名問以觀其志。明日王繼英奏利用言得將君命。雖死不避。卽授閣門祗候。假崇儀副使。奉書以行。真宗曰。彼如貪歲賂。亦細事爾。或求關南。當以

理絕之。對曰。若有妄求。臣不敢生還。上壯其言。及見戎母橫板車。輓布器皿。與利用共飲食。果首及關南。利用曰。若歲求金帛。以助軍費。猶恐大臣議或不同。割地之議。死不敢聞。其政事舍人高正始曰。舉國而來。不爲關南。止得金帛。誠媿見國人。利用曰。若爾則亦○非○兩國之兵。未有休時矣。虜度不可屈。遂決通好之議。而與報使韓杞同至。復致書幣。以往許其和好。自是河朔罷兵。利用與有力焉。其後宰相李迪。面斥丁謂。姦邪利用馮拯。皆有朋黨。利用曰。以片文遇主。臣不

如迪捐軀入不測之虜。迪不逮臣也。及王曾作首相，利用爭班，曾爲班首，利用有不平之意，皆其驕盈自伐故耳。

姜遵，字從式，淄州人。咸平二年登進士第，累擢至諫議大夫。天聖六年，樞密副使。八年薨於位，年六十八。贈吏部侍郎。子延齡，餘慶。初，遵爲御史，言青州大姓麻士瑤不法事，詔實案誅之。其爲吏尚嚴，而知永興軍太后詔營浮圖，遵毀漢唐以來碑碣，代磚甃躬督成之，因獲進用。

王晦叔，河南人。隋王績之後，名同英宗御諱，故以字稱。淳化三年登進士。咸平中，賢良方正入等，累擢龍圖閣待制、樞密直學士、給事中、太子賓客。妻父寇準得罪落職，知汝州。乾興元年，貶郢州團練副使。天聖四年復給事中，遷工部侍郎、御史中丞，兼理檢使。理檢置使，自晦叔始也。七年，叅知政事。明道元年，以疾免。除資政殿學士，知陝州、河陽。二年，樞密使。景祐元年，加平章事。薨於位，年七十二。贈太保、中書令，謚文康。子益恭、益柔。初，玉清昭應宮災，守衛者皆繫御史。

獄值議修復。晦叔上言：昔桓宮災，桓僖親盡當毀者也。漢高廟及高園，便殿災，董仲舒以爲高廟不當居陵旁。故災玉清昭應宮，非應經義。宜思災變之來，上與太后悟，遂薄守衛者責，而罷修宮。晦叔方嚴簡重，有大臣體，雖通顯而儉約如貧時。知益州，蜀人比之張詠。有前張後王之譽。有文集四十卷，周書奇訓十二卷，唐書備問二卷，莊列指歸四篇，羣牧故事六卷，藏於家。

趙積，字表微，宣城人。端拱二年登進士第，累擢諫議大夫，集賢院學士，知益州。坐市錦寬縱，落職。久之復舊。俄遷樞密直學士，章獻太后臨朝，旣久，劉美有婢出入禁中，積厚結之。天聖八年，樞密副使。明道二年，罷爲尚書左丞，遷禮部尚書，以太子少傅致仕。卒年七十六。贈太子太保，諡僖質子。士賓，積少好學，嘗爲益州路轉運使，有平冤獄之稱。

李諮，字仲詢，唐宗室。岷之後，岷貶死，袁州子孫因家焉。後徙居臨江軍。景德二年登進士第，累擢知制誥，翰林學士，權三司使，請郡。以樞密直學士知洪州。坐

三司變茶法落職久之復舊職仍權三司使景祐二年知樞密院事三年薨於位年五十五贈右僕射諡憲成有文集二十卷無子以族子演爲後諡幼而父出其母日夕涕泣求母還以至絕葷茹鄉里稱其孝天聖初在三司言天下賦入有常而用度日益願一切裁節之詔校一歲經費減冗長者十之三又以商人入粟邊鄙算茶與犀象爲虛實三估坐耗官帑請以實錢叅紐初商人有厚利諮革之怨謗滋起而議者是非復不一遂奪職在樞府權茶之法寔壞乃詔

諮與蔡齊更議之諮以變法嘗獲罪固辭不許於是復用所變法而官無濫費矣知永興侍蔭犯法者悉杖之境內肅然諮性明達周知世務處劇閒暇居大任務抑僥倖號爲稱職三班使臣舊七年磨勘李迪奏減二年諮請自詔下經七年磨勘後方用新制事雖均頗爲衆怨

王博文字仲明曹州人十六善屬文應舉開封以回文詩百篇投試卷塲屋中謂之王回文知廬州劉蒙叟薦名試舍人院除壽州安豐主簿又以知制誥陳

堯咨薦名試中書賜進士出身累擢至龍圖閣待制
進龍圖閣直學士樞密直學士龍圖閣學士兩權三
司使寶元元年同知樞密院事二十六日而薨年七
十贈吏部侍郎子因略疇時天禧四年詔博文按朱
能王先偽乾祐天書事連逮者衆惟治首惡脅從者
請皆得減死論其後章獻太后怒曹利用而博文與
內侍羅崇勳鞠曹洸獄於真定府洸伏誅議者或謂
博文致之沿邊軍民逃入蕃部擒致者有錦袍銀帶
茶綵之賞閒有自歸而爲蕃部所得亦不能免法皆

處斬博文遣習事者持信紙密招之至則驗而貸其
罪減誅死者甚衆詔加褒諭仍推行其法於諸邊郡
王疇字景彝以父任將作監主簿天聖八年登進士
第累擢知制誥御史中丞翰林學士治平元年樞密
副使至二年二月共五十五日而薨年五十九諡忠
簡嘉祐末英宗疾稍愈未出疇請以時御朝又請謁
祠廟會宰執亦請上從之遂聽政焉未幾大用知制
誥錢公輔言疇資望輕淺在臺素餐上用疇而出公
輔焉疇容服莊潔坐立疑然吏治審密文辭嚴麗任

中執法亦屢言事亦或見用其時多有顧望者至和初爲開封府判官宦者李允良疑人毒死其叔父訴請發棺驗視疇獨曰驗而無實是無故暴人屍此安知非允良有姦既而窮治果引伏與叔家有怨

范雍字伯純初名犯聖祖諱故改今名世居河東曾祖仁恕從孟知祥入蜀爲僞相祖龜從隨孟昶歸朝爲環衛官父德隆仕至供奉官葬河南因家焉咸平初登進士第天聖初累擢至龍圖閣待制進直學士權三司使天聖六年樞密副使明道二年罷除資政

殿學士改振武軍節度使知延州劉平石元孫戰陷賊降戶部侍郎知安州歲餘復吏部侍郎遷左丞加大學士進禮部尚書卒年六十八贈太子太師諡忠憲子宗傑宗師宗賢兩河宿兵大賈轉粟塞下獲利甚厚雍爲河北轉運使移它郡緡錢市糴於德棣開運以贍邊頗減橫費知永興完城浚池言者以爲驚擾詔止其役雍匿詔而趣成之明年葛懷敏敗於定川邠岐閒皆恐惟永興人心帖然玉清昭應宮災雍在樞密府太后曰先帝力建此宮一夕幾盡惟幸存

三小殿子雍對曰先朝竭天下之力而作之今火出
言○人○所○不○敢○言○非意豈非天之譴告乎如又將葺之民不堪命矣后
悟有詔勿葺雍所至治尚恕好謀鮮成惟薦士多至

公卿

原、本作著、從新編、通鑑、改、張耆字元弼開封人年十一給事真宗藩邸及即位

授西頭供奉官累擢至節度使大中祥符九年除宣
徽南院使兼樞密副使天禧元年罷天聖三年自淮
南節度使加同平章事充樞密使初名旻七年改鎮
山南東道賜名曰耆明道元年進右僕射兼侍中河

中尹累封至徐國公以太子太師致仕卒年七十五
贈太師兼侍中諡榮僖有子二十三惟一忠一抱一
守一如一禮一得一繼一希一歸一昭一純一奉一
正一志一平一利一元一本一舉一誠一宗一可一

女三十一人其爲人有智數真宗嘗使讀論語左氏
春秋又賜以宸戒二十條及聖政紀冊府元龜故通
知傳記至於星曆術數之學無不博習其言邊事或
象緯變見多中章獻太后在壽邸時嘗出寓其家故
臨朝最所優異賜第省西七百楹後言者以樓下瞰

郊社乃毀之前後賜予不貲欲其財之不出故爲曲
欄積百貨與羣婢質易其有疾者親診視收其藥直
御諸子嚴日一見之卽出外舍所得供饋僚屬頗厚
自咸平以後屢有戰功爲殿帥時盛興宮室人皆爭
奉符瑞丁謂王欽若等主其事無敢議者者獨毅然
謂朝廷不足以承天意物論多之

象原說衆

張觀字思政絳州人大中祥符七年中服勤詞學科
擢高第初名正觀御去正字釋褐將作監丞通判解
州累擢知制誥翰林學士權御史中丞寶元元年同

知樞密院事康定元年罷爲以政殿學士又除御史

中丞以父高年請便郡進觀又殿學士知許州遷尚

書左丞丁父憂哀毀過甚旣祿而卒年六十六贈吏

部尚書謚文孝子仲莊仲和仲成京東路舊止通安

邑鹽而瀕海禁私煮觀知鄆州兼京東西路安撫使

請弛其禁歲免黥配者不可勝計其爲人寬厚長者

而吏事非其所長知開封府問犯夜者有見人否人

所云及水漿相似不必晒也

此正寬厚一端與張安世

皆晒之平生未嘗草書因自爲詩曰保心如止水爲
行見真書性至孝爲祕書郎而父居業猶爲幕職官

請以官回授其父真宗嘉其請擢居業京官官至太
府卿太宗嘗以飛白清字賜觀旌其潔白任中執法
薦文彥博爲御史文彥博致位宰相焉

止

隆平集第十一卷

宋曾文定公編撰南豐後學彭期訂

樞密

夏竦字子喬江州人父承皓太平興國初上平晉策

晉原作進

補右侍禁與北虜戰歿於河朔竦以父死事恩授潤

州丹陽縣主簿景德四年舉賢良方正科入等仁宗

封慶國公宰臣王旦薦竦才遂命教書資善堂累擢

知制誥與妻楊訟左遷天聖中復知制誥遷翰林學

士又兼龍圖閣學士五年、樞密副使七年、叅知政事、與宰相呂夷簡不協、徙樞密副使、明道二年、罷爲禮部尚書、知潁州、景祐三年、爲三司使、元昊叛、建節知永興軍、徙涇州、明年、兼陝西安撫、經略招討等使、還判永興軍、進宣徽南院使、與陳執中共事、不協、徙鄜州、又徙河中府、慶曆二年、以爲樞密使、諫官御史皆言竦姦邪、在陝西、怯於用兵、今用之、則邊將之志墮矣、凡十八疏、罷之本鎮、言尚不已、乃改吏部尚書、知亳州、明年、除資政殿大學士、又明年、復宣徽南院使、

河陽三城節度使、判并州、又明年、加使相、判大名府、又明年、召爲宰相、言者又以爲常與宰臣陳執中不協、不可共事、乃改樞密使、封英國公、慶曆八年、罷知河南府、皇祐九年、加侍中、明堂恩、移鎮武寧、徐州、大都督府長史、改封鄭國公、明年、以疾求歸、卒、年六十七、贈太師、中書令、初、諡文正、考功劉敞以爲世謂竦姦邪、諡文正未允、公議改曰文莊、子安期、天聖三年、竦丁母憂、以宰相王欽若素與厚善、乃微服至京、欽若主之、遂復起居西掖、所居多部中、商販喜離開僚

屬以鉤致其事雖待家人亦不以誠故時以姦邪目之慶曆末京師一日無雲而震者五上名翰林學士張方平謂曰夏竦姦邪天變如此宜草詔出之遂有河南之命竦少苦學六經諸史百氏陰陽律曆之書皆博洽亦善爲文朝廷大典冊屢以屬之大中祥符閒參政丁謂請醮金水河作后土祠三司使林特欲治玉清昭應宮復道發運使李溥欲致海上巨石爲三神山於會靈觀池中羣臣爭言符瑞竦獨抗疏以爲不可其役遂寢知洪州其俗信巫有疾輒屏去親

屬飲食衣藥悉聽於神死者甚衆竦索部中得巫一千九百餘家毀其淫祀以聞朝廷詔江淮以南皆嚴禁絕知襄州歲饑發公廩募富人出粟常全活數萬人賜諸裝諭

據竦爲主且所薦而時論訛之然諫止符瑞江役則賢於阿附天書者遠矣至饑淫祀活能民亦利民事也

主德用字元輔父趙州人太宗尹京召隸幕下卽位以隸御龍直累以戰功進擢淳化三年遂至河西軍節度使殿前都虞候真宗卽位加檢校太傅北虜入寇從幸大名府以傅潛逗撓命超帥鎮州又領真定高陽三路於遂城遇虜斬裨王騎將十五人俘馘

二萬計。手詔褒之。咸平六年。副帥王繼忠與契丹戰於望都縣。而超不赴援。繼忠遂陷虜。景德初。上駐蹕澶淵。召超赴援。又行頗緩。虜遂深入。會通和好。止罷三路帥。卒於青州。年六十二。贈侍中。子德用。德基。德恭。超爲將。善部分。御下有恩。與高瓊同典禁旅。常因休沐。過營壘。軍校不將迎。瓊命筆之。超曰。若緣按習。可懲其不肅。今不宿戒。何名責之人。稱其恕。至道二年。遣將五路伐繼遷。超將兵六萬趨援夏州。德用從行爲先鋒。年纔十七。部萬人戰鐵關。斬獲甚衆。進師

烏白池。它將失道。虜勢頗銳。超持重不進。德用以精兵五千轉戰三日。虜遂却。乃領衆要其歸路。距夏州五十里。先據要害。下令曰。敢亂行者。斬。一軍肅然。超亦爲之按轡。繼遷引避之。以功授內殿崇班。累擢至觀察使。明道二年。以檢校太保簽書樞密院事。是年改樞密副使。景祐二年。同知樞密院事。寶元元年。加宣徽南院使。二年。罷。以嘗令知府州。折繼遷市馬。爲王公所發。初。蘇紳言。德用貌類藝祖。宅枕乾岡。上匿其疏。旣而孔道輔又以紳之言劾奏之。降千牛衛上

將軍知隨州慶曆二年復畱後加節度使又復宣徽南院使進使相踰年以太子太師致仕復起判鄭州至和元年樞密使同平章事嘉祐元年請老以魯國公爲景靈宮使卒年七十八贈太尉中書令諡武恭子咸熙咸融咸度咸英咸康德用判澶州常迂虜使劉六符六符曰比歲大熟非仁政所及邪曰明天子在○上豐年乃其常矣○至和末富弼爲相契丹使來命德用伴射虜使曰天子以公典樞密而用富公爲相可謂得人矣○上聞之賜德用御弓一矢五十

原本上罷作止罷遷作宜

狄青字漢臣汾州人初爲騎御馬小底後隸拱聖軍選爲散直元昊叛擇青爲延州指揮使前後二十五戰中流矢者八常破金湯城略宥州屠嗚咩歲香毛奴尚羅等族燔積聚數萬收族帳二千餘生口五千餘又城橋子谷築招安等堡寨以功遷至澶州刺史累擢加節鉞皇祐四年樞密副使以宣徽南院使宣撫荆湖南北經制廣南東西路盜賊五年平廣源州蠻儂智高還復樞密副使是年陞樞密使嘉祐元年以言者謂青家數有光怪罷爲使相河中尹知陳州

髭發疽卒年五十贈中書令諡武襄子諒詒詠諫諫
說初韓琦范仲淹經略陝西見青皆器遇之尹洙亦
敘次錯綜簡括得史法骨
謂青有良將才青慎密寡言其計事必審中機會而
後發行師正部伍明賞罰雖敵在前士卒無敢後先
者故所向必有成功仁宗聞其在陝西數戰勝欲召
見問其方略適虜寇平涼止命圖形以進久之方大
用而智高起廣源州破邕及沿江九州上憂顧左右
未有可屬者青上表請行明日賜對且言臣起行伍
非戰伐無以報國願得蕃落騎兵數百益以禁卒當

羈賊首致闕下上壯其言遂授以將鉞宴垂拱殿遣

之先命孫沔余靖為安撫使討賊未克故又用青青

至合沔靖三將兵次賓州原本避英宗諱曙作曉名廣西路兵馬鈐轄陳曙

按其金城驛遇賊不戰之罪及殿直袁用等三十一

人悉戮之軍士震恐遂下令止具十日糧明日絕崑

崙關出歸仁鋪先布陣成列而賊以覘者之誤來獨

後遂失險乃悉眾逆戰前鋒孫節戰死山下而賊勢

方銳青躬執白旗麾騎兵進縱左右翼出其意外賊

眾大潰斬首二千二百級獲偽官五十七人智高夜

隆平集 卷十一
縱火焚城而遁。詰朝青入按城中，獲金帛鉅萬，馬牛數千，築京觀城之北隅，招復俘脅者七千二百，使還其家。初所獲有衣績金龍者，衆謂爲智高。青曰：安知非詐？寧失智高，朝廷不可誣也。後智高果不死，人服其詳慎。尹洙以貶死，青懷知己，常賙恤其家。原本進作舉從雜識正之

高若訥，字敏之，并州人。十歲喪父，寓家衛州，因居焉。天聖二年，登進士第，累擢天章閣待制、權御史中丞。慶曆七年，樞密副使。皇祐元年，參知政事。三年，樞密使。五年，罷除觀文殿學士，兼翰林侍讀學士，同羣牧

制置使，判都省。卒，年五十九。贈右僕射，諡文莊。御篆其碑，額曰儒賢之碑。有文集二十卷。子彥輔，保衡。安石、吉甫。元規若訥苦學，強記古今傳記，莫不徧閱。於申韓管子之書，尤其所好，亦習醫書。雖國醫相與評論，必爲所困。然拘古方書，以升量湯劑多過，而用性溫平藥治疾，少効。特以博覽強辨取勝耳。皇祐間，累詔參定尺，以制鍾律。論久不決。若訥以漢貨泉度一寸，依隋書定尺十五鍾上之初。若訥知棣州商河縣，縣多窪田，舊令或假民五種以治之。若訥獨棄而不

耕知諫院時范仲淹論呂夷簡過失貶知睦州余靖
尹洙亦繼被黜歐陽修移書責若訥阿附宰相而不
言若訥忿而繳奏其書修謫夷陵令而若訥遂爲時
論所鄙權御史中丞宰相賈昌朝與叅知政事吳育
數爭事上前明年春早上詢所以若訥遂引洪範以
謂大臣不肅而雨不時若昌朝育因是俱罷若訥卽
大用公議亦短之惟盜起甘陵議者多欲招降獨若
訥言河朔重兵所聚若釋不討後且啓亂爲夷狄笑
於是始議定人以爲當

原本棧作隸附作輔

田况字元均其先京兆人後徙居信都石晉之亂祖
行周陷北虜景德初虜復內寇以所略數百人屬其
父延昭悉縱之因亦遁歸累官至率府况初舉進士
賜同學究出身不就天聖八年登進士第又舉賢良
方正科入等累擢知制誥龍圖閣直學士龍圖閣學
士翰林學士兩爲三司使至和元年樞密副使嘉祐
三年樞密使四年以疾免除尚書左丞觀文殿學士
以太子少傅致仕卒年五十九贈太子太保無子以
弟之子至安爲後初况從夏竦辟爲陝西經略判官

參都總管諸將悉兵擊賊况極言其不可乃止又言所以給邊者十四事多見聽用在三司約景德會計錄以今財賦所入多於景德而其出又多於所入著爲皇祐會計錄上之冀以悟上庶更立經制使民充實而縣官有餘用焉况之爲人寬厚明敏與人若無不可而非義不可干也於天下事小利近功則置而不論所及必朝廷先務而可以利民者有奏議三卷著好名朋黨二論常知成都府自李順王均之亂蜀守皆得便宜從事雖或小罪并其家內徙流離道路

大臣作用不過如此

失所者頗衆况察其非有甚惡釋之又聽斷之明蜀人以此張詠

原本充作完用焉作用者

包拯字希仁廬州人天聖五年登進士第累擢天章閣待制龍圖閣直學士權三司使嘉祐六年遷給事中正三司使數日拜樞密使遷侍郎辭不受七年薨於位年六十四贈禮部尚書諡孝肅子繼初拯以大

理評事知建昌縣辭以親年高改和州管庫而親不欲去鄉里遂解官就養及親亡廬墓側終喪不忍仕久之知揚州天長縣有訴盜割牛舌者拯曰第殺而

○湯云按言行錄作何為割某家牛○舌○又告○之

○妙○甚驚之俄有告私屠牛拯曰已割其舌矣非私殺也盜
色變遂引伏嘗使北虜虜典客曰雄州開便門欲誘
納叛人刺候疆事邪拯曰誠欲刺之自有正門何必
便門也此豈嘗問涿州門邪虜有沮色為御史言諸
道轉運加按察使之名以苛察相尚奏劾官吏更倍
於前皆据撫細故使吏不自安詔為罷之除陝西轉
運使既行數日有他路監司對而求章服者上不悅
因傳宣中書曰包拯使陝西未嘗自言也可齎三品
服賜之及知諫院數論斥大臣請罷一切內降又錄

唐魏鄭公三疏請置座右及別條七事言明慎聽納
辨別朋黨愛惜人才不主先入之說蕩去疑法條責
臣下牽錄微過其論甚美在陝西奏罷斜谷務造船
材木十萬及罷七州河椿竹索數十萬奉使河北言
牧馬占邢洛趙三州沃壤萬五千頃悉請以予民從
之知瀛州除放一路所負回易公使錢十餘萬仍奏
諸州毋得回易公使錢遂為著令開封舊制訟牒令
知牌司收之於門外拯知府開門使徑至庭下辨曲
直京師大水拯以勢家多置園第惠民河上歲久堙

原訛作沿壤

塞遂盡毀去。宦者僞增地契步數，悉奏劾之。權貴爲之斂迹，權中執法，請立皇嗣陳教養宗室之法，責諸路監司聽御史府自舉屬官，諫官御史不避二府薦舉。兩制得至執政，私第減一歲休暇日，皆施行。及改罷張方平三司使，而除宋祁拯，又屢擊祁在蜀宴飲過度，遂除拯三司使，翰林學士歐陽修疏拯所奪蹊田之牛罰已重矣，又貪其富不亦甚乎。拯居家避命者久之，在三司和市上供物，以革科率之擾，其爲人不苟合，未常僞辭，足以悅人，平居無私書，故人親黨

亦皆絕之，人多憚其方嚴。雖里巷婦人穉子，莫不知其名。仕至通顯，奉已儉約，如布衣時。少爲劉筠所知。

筠無子，爲奏其族子爲後，而請還其所沒田廬。

原府字在開字上

不忘知已之報亦人情也

孫沔字元規，越州人。天禧三年登進士第，累擢天章

閣待制、龍圖閣直學士、樞密直學士。皇祐五年，樞密副使。至和元年，罷爲資政殿學士，知杭州，加大學士。徙青州，又進觀文殿學士，移并州，諫官御史吳及沈超彈奏沔在杭并不法事，移壽州。按實如奏，責寧國軍節度副使，復光祿卿，分司南京。會恩除知濠州，以

禮部侍郎致仕英宗卽位起爲資政殿學士知河中府又復觀文殿學士知慶州徙延州卒年七十二洵爲吏有才力在言職以直稱知慶州三司所給特支物惡而估直高軍人有語而優戲及之洵曰妄言搖衆驅出命斬之諸將爲請猶杖配嶺南明日散特支羣情帖然自明州徙秦州仁宗勉以邊事對曰秦州不足畱聖慮陛下當以南方爲憂明日報蔣偕陷賊上謂輔臣曰南事如孫洵所料遂以屬之在杭并淫恣貪暴杭州黜配人以百數及徙青州皆竊其文案

以行而訴者無以自解慶曆初監司稱寬弛故加轉運司按察之名自是雖將相大臣出守方郡者不免窘辱遂罷去按察稍抑其權而嘗歷要官者輒復輕肆及洵之罷監司皆坐黜未幾真定呂溱復以罪廢而居方面者始不敢慢法守焉

宣徽使

咎居潤字廣川魏郡高唐人少有氣節常爲後唐樞密院小吏景延廣畱守西洛補爲右職契丹犯闕以兵圍延廣家故吏悉避去特居潤力爲全護時論多

之仕周。至宣徽南院使。建隆初，仍舊職。是年除義成軍節度使、檢校太尉。卒年五十九，贈太師。張美，字玄生，清河人。少爲三司小吏。周世宗建節鎮寧，美掌郡財賦，卽位累擢左領軍衛大將軍、三司使。久之，除宣徽南院使，仍領三司使。李筠鎮上黨，美度其必叛，潛於懷孟多積芻粟。建隆初，美亦以宣徽使居三司如故。李筠叛，太祖親征，糧運有備，美有力焉。以功除寧國軍節度使，鎮同州。五代以來，官給錢民閒，長吏十取其一，謂之率分錢。美至同州，官市木，美

不受率分錢。宋興，始革其弊。諸郡尚或未悛，旣而有訴其事者，皆坐責，而美獨免。太宗朝，授美環衛官，因求致仕，卒。

潘美，字仲海，魏郡人。少倜儻，常謂其里人王密曰：漢代將終，兇臣肆虐，四海有改卜之志。大丈夫不於此時立功名，取富貴，與萬物共盡，可惜也。仕周，至客省使。太祖與美素相厚，受禪命，諭旨中外。陝帥袁彥兇悍，上懼其有變，詔美監其軍，俾圖之。美至，諭以天命。彥遂入朝，上言：潘美不殺袁彥，而彥朝覲，成我志矣。

上親征李重進以美為揚州巡檢錄功除團練使湖南既平授美潭州防禦使劉鋹數侵湖湘美擊走之溪峒蠻獠自唐以來為居民患美亦討平開寶三年命美征嶺南以尹崇珂副之由賀州進兵相繼破賊數十萬衆俘斬不可勝計遂擒鋹至闕下又平樂範等所據容韶五州之地嶺表遂安詔與崇珂同知廣州七年冬詔與曹彬率師伐江南江南平九年除宣徽北院使太宗即位改南院太平興國四年親征劉繼元降因命美鎮太原三交西北二百里地號故軍

最險阻戎人之咽喉也美帥師襲之虜衆遂遁美安撫至代郡適戎人萬數攻近塞美誓衆銜枚大破之俘獲甚衆雍熙三年詔與曹彬崔彥進傅潛等北伐美獨拔寰朔雲應四州有旨護其民內徙虜復至楊繼業戰歿於陳家谷口詔削三官四年復舊未幾加太師又兼同平章事封韓國公卒年六十七贈中書令諡武惠

原本惜詭著美亦討平美字作堅十萬作千萬詔與寰應雲州脫朔四字與楊業傳及新編通鑑俱不合作詔及寰朔雲應四州作

郭守文字國華太原人父暉戰歿守文方十四歲哀毀過人周擢為東班副使開寶中從潘美征嶺南又

從曹彬拔金陵。彬遣護李煜赴闕。煜無生意。守文語之曰：國家止希漢武之開疆，豈責防風之後至也。煜遂釋然。守文以戰功累擢至武州團練使。雍熙四年，除宣徽北院使。端拱元年，出爲鎮州路都帥，加南院二年。卒年五十五。武夫悍卒皆爲流涕。守文善撫士卒，所得俸祿悉以宴犒。死之日，家無餘資。先是諸將邀功生事，自岐溝君子館之敗，朝廷患之。以守文知書而沈毅有謀，故自近臣付以邊任。上聞其卒，深所嗟惜。

雷有終，字道成，工部侍郎德讓之子。以父任授官。初任兗州萊蕪縣尉，發知監劉琪姦賊，卽代其任。遂累加進擢。李順之亂，爲荆湖夔峽轉運使。至廣安軍，夜遇賊衆圍，旣合，有終引奇兵從後擊之，赴水火死者不可勝計。久之，除諫議大夫，知成都府。次簡州，寓佛舍，度賊之至，命左右重閉。土人嚴更備，初夕聞道而去。賊果圍寺，牆壞止，得擊柝者。咸平二年，王均叛，除觀察使。復知成都府，旣至而均僞開城，若將遁。有終及上官正、石普徑馳入，賊閉關，伏發，僅墜堞而免。乃

築壘城北。焚城樓。均始遁。石普、楊懷忠、襲至富順監。獲之。蜀平。遷留後。景德二年。擢宣徽北院使。卒。贈侍中。有終險側。喜攻人過失。有吏幹善撫士卒。李用和字審禮。章懿皇后之母弟也。少困窮。劉美得之於民間。奏以爲三班奉職。章懿薨。特除禮賓副使。累擢節度使。殿前副都指揮使。以老乞罷軍職。除宣徽北院使。慶曆五年。改南院。加使相。進檢校太尉兼侍中。卒。年六十二。贈太師。中書令。追封隴西郡王子。洵璋、琚、琦、瑛、瑊、瑋、球、玘、瑋。尚福康公主。用和起民間。

原本堞作塚

○威○晚○大○賢○
以帝舅位將相。小心避權勢。公使錢正任。以上許私用。而用和悉以爲軍費。不入其家。

郭承祐字天錫。開封人。娶華王元偁女。永定郡主。授供奉官。累擢至建武軍節度使。皇祐元年。除宣徽南院使。同羣牧制置使。出判應天府。徙亳州。諫官御史劾奏。承祐在應天府。擅批宣頭。留上供糧米。及擬翰林所使用器。出入狂僭。落宣徽使。卒。年五十九。贈太尉。謚曰密。子士遜。士逸。士達。士達承祐驕侈。狡獪。猶所至多興作。爲煩擾。又好言事。指切人過失。時謂

之武諫官判許州蘇舜元爲轉運使薦其有將帥才
古今薦贖中龔黃何多也
其政如龔黃上謂大臣曰承祐庸人而外臺薦之如
此何所取信哉

張堯佐字希元河南人溫成皇后之從父也天禧三
年登進士第累擢天章閣待制權知開封府加龍圖
閣待制直學士權三司使遷禮部侍郎正除三司使
諫官御史言堯佐主大計諸路困於誅求內帑疲於
備助上方祀明堂召問經費如何對曰事已辦矣賜
詔褒諭皇祐二年除淮康節度使羣牧制置使宣徽

南院使景靈宮使御史中丞王舉正諫官吳奎等彈
奏恩寵太過以至畱百官班廷議遂罷宣徽及景靈
宮使三年復以爲宣徽南院使徙天平節制卒年七
十二贈太師子吉甫山甫申甫寇甫正甫隱甫師甫
元甫儀甫堯佐憑戚里以進無可稱者

偽國

越吳

錢俶字文德，名上，字犯，宣祖廟諱，故止稱下一字。祖鏐曰：吳越武肅王父瓘曰：文穆，瓘卒，子佐繼，佐卒，以弟侬繼。侬爲牙校，胡進思所廢。俶時鎮浙東，遂渡江襲僞位。漢授以東南面兵馬都元帥，領鎮東軍節制。封吳越國王。至周，以天下都元帥處之。宋興，改大元帥，開寶八年，征江南，爲招撫使。江南平，與其妻子來朝，待以優禮，賜劍履上殿，詔書不名，封其妻孫氏爲妃。宰臣言：自古異姓諸侯，王妻無封妃之制。太祖曰：

行自我朝，何拘舊典。太平興國三年四月，復來朝，而陳洪進，繼至。洪進先納土，俶不自安，亦上章以國歸有司，改封淮海國王子。惟濬惟治，竝除節制，諸子弟族人及其將佐，或牧守有差。錢氏五主，共八十一年。俶以天下旣平，八年求去元帥之稱，從之。雍熙間，改封漢南南陽二國。旣又辭國號，改封許，徙鄧。俶，唐天成四年八月二十四日生。端拱元年八月二十四日薨。年六十。進封秦國王，謚忠懿。爲太師中書令者四十年。任元帥者三十年。近世處富貴者，未有其比。俶

崇信釋教性謹未常忤物。世或富貴者未嘗其此。子惟演字希聖。倣第十四子也。幼有俊才。倣常使賦遠山詩。有高爲天一柱。秀作海三峯之句。倣淡器之初補職牙門。累遷左神武將軍。咸平中。獻文。召試學士院。上覽所試。稱善。特授太僕少卿。累擢知制誥。翰林學士。坐爲人於開封府請求奪職。久之。復學士。天禧四年。爲樞密副使。仁宗卽位。除樞密使。太后稱制。宰臣馮拯以惟演太后姻家。請出之。除節度使。知河陽。請覲加使相。判許州。屢徙藩鎮。鬱鬱不得志。及耕

籍田。求侍祠。畱爲景靈宮使。太后崩。還河陽。請以章獻太后章懿太后同配食真宗廟。御史中丞范諷劾奏。惟演擅議宗廟。落平章事。改鎮崇信。卒。年五十八。特贈侍中。惟演少富貴。能志於學。有文章。與楊億劉筠齊名。常曰。學士備顧問。不可不該博。故其家聚書。侷於祕府。又多藏古書畫。在館閣。預修策府元龜。凡千篇。特詔與楊億分爲之序。其爲人。少誠信。初附丁謂。力排準。其後逐謂。亦與有力焉。所著有典懿集二十卷。樞庭擁旄前後集。伊川漢上集。金坡遺事錄。飛

白書序錄逢辰錄奉藩書事子暖晦昕昉曦昞曄墮
耽喚曜

原本獻作憲

漳泉

陳洪進字濟川其先泗州人曾祖爲閩官遭亂因家
泉州仙遊縣唐光啓中賊帥王潮陷泉州以福州觀
察使王審知爲副潮卒審知據其位梁冊審知爲閩
王二十九年而卒其子延翰繼踰年而被弑其弟延
鈞襲八年遂僭帝號十一年卒子昶嗣被逐而叔延
義立以其弟延政爲建州刺史旣而背命僭號商國
六年閣門使連重遇推客省使朱文進以奪其位復

號閩國時石晉天福七年也文進以黃紹頗爲泉州
刺史程贇漳州刺史許文稹汀州刺史泉人念王氏
爲羣逆分據冗員指揮使畱從効王忠順董思安以
氣義相附謀復王氏於是募敢死士五十人而洪進
與焉夜擒紹頗害之立延政從子繼勳而從効忠順
思安爲統帥洪進爲指揮使繼勳欲送紹頗首於建
州奉延政爲主而道阻賊盛莫敢往者獨洪進請行
道遇賊語以泉福已定賊遂潰洪進至建州延政大
悅旣而程贇立延政從子繼成許文稹又以汀州降

陵七年而死景嗣以宋齊丘周宗爲相僭郊祀禮遣將校侵福建漳泉之地河中李守政叛永授而景應之聞其敗乃還周初下長沙復失之方中原多事盧文正李金全皇甫暉之徒南奔景據江淮三十年國力富盛潛有窺神器之意聞世宗克揚州始懼而盡割淮南地歲餘盡去僭號旣而忿躁乃殺宋齊丘陳覺李正古及太祖登位益懼遂徙都南昌景死煜嗣表請追尊景立帝號太祖許之廟號元宗及陵名亦稟而後定自是朝廷始改書爲詔制西蜀嶺南雖平

而江南貢奉不絕故未欲加兵乃遣使諭令入朝煜稱疾而松江繕兵備始命曹彬潘美征之初樊若冰獻采石磯浮梁計上從之煜語張垧垧曰古來有之煜曰兒戲耳橋成王師薄城而煜不知也時煜以兵柄任皇甫繼勳以機事屬陳喬張垧傳詔內殿者徐元瑀徐元瑜刀衍邊書告急元瑜等皆匿而不通及兵圍城煜驚且怒而殺繼勳焉陳喬張垧常相謂當死社稷及城陷喬獨死之垧從煜歸朝後至執政喬字子喬豫章人煜以爲門下侍郎兼樞密使煜所遣

拒王師皆非習武事者其將帥多佩符印人傳以爲笑及戰皆不復還城垂陷太祖猶遣諭曹彬令招撫之煜惑左右之言卒至就擒開寶九年至闕免宣露布特授左千牛衛上將軍封違命侯太宗卽位加特進改封隴西郡公卒年四十二追封吳王自昇至煜三主共三十九年而失國子仲寓官至刺史寓之子

正言

原本克訛知行術

北漢

劉繼元其母劉崇之女適薛氏生繼元及其兄繼恩劉崇漢祖之母弟也爲太原尹隱帝遇害漢太后遣

馮道迎崇之子贊於徐州欲使襲漢位少尹李驥語崇曰觀郭公用心當自取之不若以兵至孟津觀變俟徐州踐祚則無可疑矣崇怒以爲驥欲離間父子并其妻殺之且表其事而周祖已登位崇遣人乞贊歸藩始知贊死矣乃爲驥立廟遂僭帝號重幣結契丹如晉祖約爲父子契丹策崇爲大漢神武皇帝崇死子鈞繼鈞結李景孟昶爲助仍求援於李筠初漢祖以鈞無子命育繼恩爲嗣鈞卒繼恩襲而爲侯霸榮先所殺郭無爲遂援立繼元太祖常遣詔諭繼元

無爲各許以節制繼元因疑無爲而無爲復勸使効
順又欲叱兵出戰及王師注水其城遂殺無爲以狗
無爲棣州人博學有詞辨初隱武當山爲道士鈞以
諫議大夫起之太平興國四年太宗親征不欲屠城
城垂破繼元始降自崇僭號至繼元失國凡二十九
年繼元殘忍臣下多被族誅未敗時太宗先命郭進
斷契丹之援於石嶺關進至虜衆果來進擊走之繼
元猶以蠟丸帛書求救於虜進得之以狗城下及降
上宥其罪授右衛上將軍檢校太師彭城郡公賜第

京師歲時霑賜甚厚又以房州爲保康軍授繼元節
制卒贈彭城郡王遺奏以六歲子三猪爲託上哀之
厚卹其家

因原本作以

西蜀

孟昶其先太原人父知祥尚唐莊宗妹莊宗遣郭崇
韜魏王繼岌平王衍以知祥爲成都尹充節度副使
莊宗及禍明宗爲送公主并二子入蜀安重誨用事
以李嚴爲西川監軍使圖之知祥遂殺嚴而結束川
帥董璋婚媾謀據劍南旣而明宗誅璋之家遣使諭
之知祥伐蜀出於安重誨重誨旣伏誅知祥乃上章

謝罪璋疑其貳遂以兵襲知祥璋敗知祥表其事朝廷卽付以兩川封爲蜀王許行墨制明宗崩卽僭號盡得王氏故地知祥卒昶繼立建隆末昶潛結太原劉鈞爲援謀起兵乾德二年十一月詔以昶與河東劉鈞蠟丸帛書將起兵故遣王全斌崔彥進王仁贍曹彬等分路伐蜀所至皆克三年正月十三日全斌次魏城昶上表請降自出師六十六日而兩川平計知祥割據至昶失國凡三十二年晉末光德亂華中原多事昶負固西南驕縱滋甚聞世宗來秦鳳始有

懼意寓書世宗講鄉里之好世宗怒不答愈不自安

多積芻粟以鐵爲錢禁民私用鐵而自鬻器用以專

利民甚苦之以其子元喆爲太子王昭遠伊審徵韓

保正趙崇韜分掌兵柄其母謂昶曰吾見莊宗及汝

父時非有功者不使主兵故人皆畏服樂爲之用昭

遠微賤特汝初學時給事左右而其餘皆世祿子驟

置人上其誰敢言以吾料之惟高彥疇汝父舊人當

不誤爾昶不聽其後高彥疇以夔州不守遂死之他

悉爲降虜昶至闕特授開府儀同三司檢校太師兼

中書令秦國公卒年四十七追封楚王昶死其母不
哭子元喆除節度使元珪右千牛衛上將軍弟仁贇
仁祐仁操竝環衛官初王師將及境昶遣元喆率師
守劍門自成都攜妓樂嬉戲而行聞劍門已破遂遁
歸昭遠成都人少貧爲僧童知祥因飯僧昭遠從至
知祥見而畱以給事昶昶立擢知樞密院兼節度使
王師入境昶命總兵拒戰昭遠攘臂曰是行也豈止
克敵當定中原矣執鐵如意指揮軍事自比諸葛亮
及趙崇韜敗昭遠遂竄匿東川民舍猶誦羅隱運失

英雄不自由之句遂爲追兵所執人皆笑之歸朝至
節度使卒昶之宰相李昊在王衍時爲翰林學士常
草衍降表及歸朝授工部尚書

原本微作正祿作錄

南荆

高繼冲曾祖季興渤海裔人唐末荆南司馬張環逐
其節度使陳儒自稱畱後環敗而季興守荆南梁開
平初遂據有其地封秦王卒諡武信子從誨後唐天
成三年襲僞位封南平王卒諡文獻子保融漢乾祐
五年襲封平王卒諡正懿無子建隆元年其弟保勗
嗣立從誨於諸子中最愛保勗雖甚怒見之則釋然

荆南人目之爲萬事休。建隆四年保勗卒。子繼冲正月襲位。二月王師援湖南。道出荆南。繼冲請舉族歸朝。自季興至繼冲五主。凡五十七年而失國。乾德三年改授繼冲徐州大都督長史武寧軍節度使。封渤海郡侯。鎮彭門。僅十年卒。年三十二。贈侍中。繼冲以國歸朝。廷其祕書監孫光憲。因王師至荆南。而以理論之。俾獻三州之地。光憲有學術歸朝。特授黃州

刺史

原本季詵李

漢南

劉鋹五世祖仁安。唐潮州刺史。其子孫因家嶺南。宰

五代史作劉安仁

相韋宙以其兄之女妻仁安之子謙。謙生隱。謙仕至封州刺史。昭宗時以嗣薛王知柔鎮廣州。表隱爲司馬。委以兵柄。宰相徐彥若卒。遺奏請除隱。畱後隱厚賂梁祖。求爲郎。除南海節度使。梁祖開平初封隱南平王。隱卒。弟陟襲僞位。時邕州葉廣略容州龐巨源交州曲承美皆自擅兵賦。而陟并之。遂盡有嶺表之地。聞錢鏐封吳越王。正明中陟遂僭稱帝。國號大漢。改元乾亨。更名巖。又更龔。更龔龔之字無所出。龔性酷暴。行炮烙剝剔截舌灌鼻之刑。爲玉堂珠殿。飾以

原本音嚴

金碧翠羽見北人必自言世居咸秦恥爲南蠻主呼
中朝止曰洛州刺史龔卒子玠爲弟晟所弒而晟自
立造鑊湯鐵牀聞湖南馬氏兄弟之隙遂遣兵取桂
林柳賀之地晟卒子鋹嗣鋹委政闈宦後宮亦令冠
帶預政其臣有小過或將大用則加以宮刑及將至
敗也星多北流知星者以爲北歸之祥初龔命曰者
筮國祚遇復之豐曰將五十五年乎自梁正明三年
龔僭號開寶四年鋹國亡其數無差又龔先名龔有
術者筮曰後必有此姓者敗國事及鋹用龔澄樞李

托皆爲內太師薛崇譽開府儀同三司鋹以托二女
爲貴妃美人澄樞爲鋹置酷法之具因以敗國鋹至
闕宜露布訖命盧多遜詰鋹翻覆之由鋹對曰臣年
十六而僭位龔澄樞等皆先臣舊人臣不得專遂命
戮澄樞托崇譽於千秋門外而釋鋹罪授右千牛衛
上將軍封恩赦侯卒年三十九贈太師追封南越王
鋹口辯性巧常以珍珠結戲龍於鞍勒以獻尚方工
伎莫不駭伏太祖歎曰鋹至京師猶規什一之利移
此心計治其國豈至滅亡耶鋹在僞邦於海門鎮募

南湖

採珠卒二千號媚川都。以石鑿足而下有及五百餘尺。而後得珠。則引縷而出。氣不屬。且死者不可勝計。所積盈府庫。而其求無厭。及敗。悉以焚棄。潘美猶於煨燼中得其餘。以獻之朝廷。於是太祖詔廢媚川都。仍禁民間不得以採珠為業。

原本日者下脫筮字筮曰作日。國亡國字原作自邦作邪。

周行逢朗州人。少亡賴。犯法。隸軍籍。久之。為裨校。唐乾寧初。馬霸圖盜據湖南地。自置郡守。以下官廣順初。馬希萼與弟希廣爭國。率蠻軍殺希廣。而自立。又為其將陸孟俊所遷。而立弟希崇。因求援江南。李景

遣邊鎬赴之。馬氏舉族俘於建康。景以鎬帥潭。而朗州軍亂。推牙將劉言為帥。以行逢為都校。因上章。李景求旌鉞。不許。言遂遣行逢帥舟師。陷潭州。邊鎬遁去。因據其城。言請移潭治朗。周祖即言帥朗。以王進達帥潭。顯德中。裨將潘叔嗣害進達。請行逢帥朗。行逢至。戮叔嗣。以徇。世宗因除行逢朗州大都督。武平軍節度使。兼侍中。自是盡有湖南地。建隆初。加中書令。行逢善用人。盡心民政。其壻求補吏。以耒耜與之人服。其公性多猜忌。喜殺戮。將終。謂將校曰。吾死

張文表必叛公等強勉護吾兒既而文表果舉兵滅周氏其子保權年十一乞師朝廷詔慕容延釗李處耘率師赴之而保權已平文表王師始至遂嬰城以拒城破竄匿民間太祖以其年幼政不由已詔尋訪赴闕保權上章待罪釋之授右千牛衛上將軍累遷至左羽林統軍卒

原本以言上無即字達並作

錢俶所獻州十三縣八十七戶三十三萬四千九百三十二口七十二萬四千七百一十一萬五千三百六

陳洪進所獻漳泉二州十二縣共管戶一十一萬二千一百一十三口三十一萬四千九百三十二兵一萬八千七百二十七

曹彬平李煜得州十九軍三縣一百八戶六十五萬五千六十五

太宗皇帝親征太原劉繼元得州十縣四十一戶三十萬五千三百二十

王全斌平孟昶得州四十五縣一百八十九戶五十三萬四千二十九

高繼冲所獻州三縣一十五戶一十四萬三千三百
潘美平劉鋹得州四十一縣六十五戶七萬五千一
百三十九

李處耘慕容延釗平周保權得州十四縣五十八戶
九萬七千三百八十八

右八國共得州軍一百四十五縣五百七十五

止

隆平集第十三卷

宋曾文定公編撰 南豐後學彭期訂

侍從

張昭字潛夫河間人舊名昭遠避漢祖諱故去其下
字十歲誦書數十萬言及長經史罔不該洽仕後唐
至中書舍人在周爲兵部尚書建隆初遷吏部尚書
未幾以本官致仕開寶末卒嶺南平太祖遣就家問
獻俘之禮昭臥疾口占皆有所據當時服其博記昭

所修有後唐莊宗實錄及功臣列傳周祖實錄續唐
愍帝漢隱帝實錄又撰漢六廟謚冊樂章在晉爲翰
林學士日常與呂琦崔稅集唐義寧終天祐末史成
書二百卷

扈蒙字日用范陽人與從弟載皆以文學顯鄆杜閒
有道士魚又立善知人常謂蒙曰君家兄弟當繼典
誥命其後皆驗蒙仕周已居顯宋興亦入翰林爲學
士積官至工部尚書卒年九十二贈右僕射自張昭
竇儀卒朝廷典故儀制皆蒙所裁定博洽長厚多笑

雖侍上前亦不能自止

陶穀字秀實邠州人北齊尚書令唐邕唐內史侍郎
唐儉皆其遠祖姓因避晉祖諱而更爲陶遂不復其
舊父渙唐末仕至刺史爲邠州帥楊崇本所害穀隨
母育崇本家幼有俊才漢相李崧奇之自單州判官
擢爲集賢校理未幾遂知制誥在周爲翰林學士承
旨宋興歷禮刑戶部三尚書卒年六十八贈右僕射
宋之南郊法物制度皆其所定博記美詞翰滑稽好
大言佛老之書陰陽之學亦能詳究傾險巧詆爲時

論所薄其進緣李崧崧之及禍穀自謂有力焉周世宗名魚崇諒為學士未至穀諧以為顧望世宗遂令代其任世宗語趙上交多謁告穀乃及其受門生名園事而上交被黜若是者蓋不可徧錄

新編顧望下作世宗頗疑之

原本作劉宗而遂

戚綸字仲言應天府楚丘人篤於古學喜談名教太平興國八年登進士第父同文字文約幼孤事祖母以孝聞從邑人楊懿受經懿隱居不仕而以女弟妻同文遇疾因託以家事同文為葬其三世之未葬者遭世喪亂亦不復仕聚徒講學相繼登科者五十六

人踐臺閣者亦至十數尚信義喜賙人急所與交皆當世之名士楊徽之因使至郡多所酬唱及卒徽之及其門人追號曰堅素先生長子曰維仕至戶部郎中綸其次子也大中祥符二年應天府言民有曹誠者即同文舊居廣舍百五十楹聚書千餘卷以延學者真宗嘉之賜名曰應天府書院命綸之子奉禮郎舜賓主之補試為府助教綸與兄維友愛甚至真宗初置龍圖閣待制首以任綸久之進樞密直學士大中祥符初祥文薦降歌頌日興綸恐流俗託朝廷嘉

此段談當時忌諱事○渾○雅○徽○觀○尤○史○筆○

○禮○長○處○太○史○公○無○此○等○舍○蓄○也○
瑞事詐為靈木石之異幻惑愚眾如少君樂大者

上疏亟論上嘉納之出知杭州發運使胡則李溥惡

其修潔相與摺撫徙揚徐青鄆州復為勸農使王遵

誨李仲容所誣奏謂常訕朝廷降太常少卿分司卒

年六十八

原本靈上疑脫神字感虞部基誌號葉

徐鉉字鼎臣廣陵人十歲能屬文與韓熙載齊名江

東謂之韓徐仕李煜至吏部尚書歸朝屢遷至散騎

常侍坐累貶邠州行軍司馬卒年七十六鉉恬淡無

矯偽不喜釋氏而好神怪有以此獻者多遂其所請

布衣蒯亮事夸誕年逾九十鉉延至門下稽神錄之

事多亮之言也初自江南入使人報城陷太祖厲聲

責之鉉對曰臣為江南大臣而其國滅亡此死有餘

罪不必他問太祖歎曰忠臣也命坐賜予甚厚鉉至

京師見披毛褐者輒哂之邠州苦寒終不御毛褐冷

氣致腹疾而卒李穆常使江南見鉉及其弟錯文章

曰二陸不能及也錯死於江南鉉好李斯小篆尤得

其妙隸書亦工尺牘為士大夫所得皆珍藏之有文

集二十卷又有質論稽神錄行於世常受詔與句中

正重定說文

楊徽之字仲猷建州蒲城人世尚武力父澄始業儒
 徽之少好學同邑有江文蔚善賦江為善詩皆延置
 客館未暮遂與齊名聞廬山學舍盛即往肄業周顯
 德中登進士甲科建隆初監方城商稅因故人出使
 訪問謠俗徽之為言海內寧一宜崇儒術以厚風教
 太祖疑以訕黜為天興令蜀平徙峨眉今太宗嗣位
 召還累擢至諫議大夫為張洎劉昌言所誣貶鎮安
 軍司馬真宗尹京驛召復舊官為開封府推官即位

除工部侍郎兼祕書監遷樞密直學士翰林侍讀學

士卒年八十無子一女迺宋氏時外孫綬纔十歲特

授太常寺太祝姪孫偃集皆同學究出身徽之清素

重名教尚風義常言溫仲舒寇準以博取貴位使後

進趨競禮俗寢薄矣與石熙載李穆賈黃中為文義

之友多識典故唐之士族人物悉能詳記尤工吟詠

有集二十卷景祐二年詔以徽之先帝官僚特贈太

子太師諡文莊

稅原訛松石原作日

王禹偁字元之濟州鉅野人家世微賤九歲能為歌

詩州從事畢士安見而異之。勉其勤業。及長。善屬文。太平興國八年。登進士第。太宗聞其名。召試相府。擢詞館獻端拱箴。上深嘉納。趙普尤器重之。端拱二年。廷試貢士。詔使作歌。援筆立就。太宗謂侍臣曰。此歌不踰月徧天下矣。以左司諫知制誥。駕幸瓊林苑。召至御榻前。顧問語宰相曰。禹偁文章。獨步當世。其將大遇如此。因抗疏爲徐鉉雪。誣貶商州團練副使。久之。復知制誥。召入翰林。爲學士。孝章皇后崩。梓宮遷主第。禹偁語賓客。后常母儀天下。當用舊典。坐訕謗。

罷職知滁州。真宗卽位。遷刑部郎中。召知制誥。咸平初。求補外。守本官。知黃州。卒年四十八。初。境內有二虎鬪。其一死。而食其半。又羣雞夜鳴。經月不止。禹偁以其事聞。上遣中貴人乘驛問勞。且爲禳醮。詢日官云。守土當其咎。亟命遷蘄州。力疾上道。卒。上聞計。嗟悼。賜一子出身。禹偁辭章敏贍。喜談世事。臧否人物。以正道自持。故屢被擯斥。所與游。必儒雅。稱獎後進。如孫何。丁謂。遂名重一時。有小畜集三十卷。奏議十卷。後集詩三卷。

原本不嘉作初喜

聞計上有贊字

田錫字表聖其先京兆人唐末遠祖徙蜀因居嘉州
楊徽之在峨眉宋白在玉津延譽之遂有聲稱太平
興國三年登進士第累擢諫議大夫史館修撰知制
誥卒年六十四贈工部侍郎有咸平集五十卷錫好
學至老不倦以盡規獻替爲已任耿介寡合恭敬好
禮上疏皆焚其稿趙普作相有司受羣臣章疏必先
白而後敢進錫上書於普○切○直○以爲失至公之體真宗卽
位錫因對言舊有御覽但記分門事類不若以經史
子集爲御覽三百六十卷日覽一卷經歲而畢又取

經史切要之言爲御屏風十卷置御座側則治亂興
亡之鑒常不忘矣上詔史館借以羣書乃先上御覽
三十卷御屏風五卷其序御屏風之略曰湯之盤銘
曰德日新又日新太公之金匱云武王欲造起居之
戒乃銘於几杖曰安無忘危存無忘亡熟惟二者後
必無凶墨子云堯舜禹湯書其事於竹帛琢之盤盂
曰君子福大而愈懼爵隆而益恭遠察近視俯仰有
則軒堂輿几皆有銘焉曰吾居民之上惴惴恐不及
武王戶席必有戒焉席之銘曰無行可悔戶之銘曰

名難得而易失。唐黃門侍郎趙智爲高宗誦孝經曰：天子有諍臣七人，雖無道不失其天下。微臣敢以此言上獻。憲宗採史漢三國以來經濟要事，撰書十四篇。曰：前代君臣事迹，書之六扇屏風，置御座之右焉。邢昺字叔明，濟陰人。太平興國初，舉九經廷試，日召陞殿講易二卦，又取其羣經發題。太宗稱其精博，擢上第，累擢至右諫議大夫、國子祭酒。咸平二年初，置翰林侍讀學士，首以授昺。積官至禮部尚書。卒年七十九。贈左僕射。國朝舊制，非宗室將相，無省疾臨喪。

禮惟昺與郭贇以恩舊，上特臨問其疾，爲時之榮。昺在東宮及內庭講孝經禮記者二，論語十書十三，易三詩左傳各一。據經敷釋，仍多引時事爲喻。世爲農家，尤悉民事。上訪民間疾苦，必俚語爲證，以專經進，強爲詩，人多傳笑之。

劉云：邢叔明嘗疏論語及爾雅，此傳不敘者，豈非以其有遜于孔賈邪？

孫何字漢公，蔡州人。幼嗜學，爲文必本經。與丁謂同爲王禹偁所題獎，時謂之孫丁淳化三年，舉進士殿試及省闈，俱爲第一。累擢起居舍人，知制誥。卒年四十四。性卞急，常在京西兩浙轉運使，頗事苛察，然獨

喜稱譽後進有文集四十卷子言第僅

原本然作殆

種字鄰幾咸平初登進士第兄弟皆冠天下士學者
衆之僅復舉賢良方正科入等累擢知制誥集賢院
學士給事中卒年四十九僅端懿無競篤於儒學士
大夫高其履尚有文集五十卷子和

路振字時發唐相巖四世孫巖貶死嶺外其子孫避
地湖湘遂爲永州人振幼穎悟十歲聽誦陰符經裁
百言而止父使終業振曰百言演道足矣父異其對
淳化中舉進士殿試卮言日出賦獨振知所出而文

亦典瞻遂登甲科累擢知制誥詞命溫雅淡愜物論
卒年五十八振淳厚無臧否恂恂如也作詩有唐人
風有文集二十卷子綸

朱昂字舉之其先京兆人父葆光寓潭州遂家於衡
山昂少好學有朱遵度者時謂之朱萬卷昂曰小
萬卷常游廬陵遇術士謂昂曰中原當有真主矣君
仕可至四品遂北游江淮時周世宗南征韓令坤統
兵揚州昂謁令坤陳治亂方略令坤器之以權知永
正縣正本同有政績令坤遂表授本縣令改衡州錄

事叅軍知州李昉見其文，深加歎賞。既又為薛居正所知，二人遂薦引之。太宗朝擢知水部郎中直祕閣。真宗卽位，除知制誥，入翰林為學士。屢表乞骸骨，敦諭彌確。乃授工部侍郎致仕，仍令俟秋涼南還。故相張齊賢而下皆賦詩贈行。詔從臣祖於東門南省試貢士，遂以為詩題。第協仕至主客郎中，雍王府翊善。亦告老而歸。時以比之二疏陳堯咨，知荆南表其居曰東西致政坊。昂所得俸常以三之一購奇書於所居，為二亭曰知止、幽棲。自稱曰退叟。卒年八十二。門

人諡之曰靜裕先生。詔錄其孫适，同學究出身。昂方

正恬淡，十五年為洗馬，不遷。非公事不至兩府。有文

集三十卷

原本學上無好字，其下闕揚字

新編字，太素

宋白字素臣，開封人。十二善屬文。建隆二年登進士

第，又舉拔萃科。中高等釋褐，授著作佐郎，賜襲衣犀

帶。求補外，授嘉州玉津令。久之從太宗征太原，劉繼

元降，白獻平晉頌。太宗獎諭，還京遂除中書舍人。賜

金紫，入翰林為學士。至道初加承旨。真宗卽位，擬陸

贇勝子集以獻。上察其意，希大用，遂命尹京無政事。

才不任劇乃自求罷以疾請老授兵部尚書致仕進
吏部卒年七十七贈右僕射諡文安白之文頗事浮
麗而理致或不工善諧謔不拘小節典貢舉得王禹
偁田錫胡旦時謂之得人至他所取有納賂者伶人
舉爲戲言又高年不能決退多致譏誚然能贍濟親
族而恤其孤幼是亦其所長也

原本然作殆

杜鎬字文周世仕江南舉明經中選李煜任爲集賢
校理開寶末從煜歸朝太平興國初除崇文院檢討
景德初置龍圖閣待制鎬與戚綸首預其選久之除

閣學士積官至禮部侍郎卒年七十六子樞杞植椿
初鎬應舉將就試有鼠啣孝經疏置榻前鎬怪之取
以熟誦果試題出其中遂預選鎬博學善記問兄爲
法官有毀其父之畫像爲近親所訟疑不能決鎬曰
僧道毀天尊佛像似可比也兄從之衆服其審太宗
將祀南郊彗星見趙普以問鎬對曰當祭而日蝕猶
廢祭况彗乎普以白禮遂寢太祖問西漢賜予多用
黃金何近世不能也鎬曰當時佛事未興故耳真宗
卽位有司舉故事三月上巳金明池習水戲上以太

有○學○識○者○之○言○

宗忌月問鎬鎬據唐憲宗朝奏議禮有忌日無忌月
 遂從之景德初駕自澶淵凱旋遇忌日疑軍中鼓吹
 馳騎問鎬鎬對曰武王載木主伐紂前歌後舞可據
 也上凡得古器異書必詢之皆能究其本末令人檢
 閱必某事在某書幾紙幾行未嘗少差鎬雖高年四
 鼓起誦春秋遲明且數卷日以爲常

原本且作有

杞字偉長以鎬廕將作監主簿性豪邁遇事劇易奮
 然敢爲慶曆四年廣西區希範誘白崖山酋蒙蒙起
 反自京西轉運使授杞刑部員外郎直集賢院爲廣

南西路轉運安撫使杞至宜州得州人吳香及獄囚

區世宏往說諭之而勒兵攻破白崖黃泥丸居山等

寨及其五峒斬首千餘級復環州焚其積聚蒙蒙等

大恐隨香出降獨希範走荔波峒杞曰蠻依險阻威

不能制則恩不能招所以數叛今特以窮蹙而降若

啗以利後必復動乃犒以牛酒而六百餘人悉誅之

後三日得希範醢以賜諸溪峒御史梅摯言杞殺降

爲國失信上置而不問止戒諭之徙兩浙路明年徙

河北路頃之擢天章閣待制知慶州蕃首孟香率千

新編作誅七、十餘人

湯云殺降失信御史言之是

也安得置而不問至不以孟香還夏人處置得體

餘衆內附夏人以兵索香因劫邊戶掠馬牛有詔責
 杞還之杞言彼違誓舉兵香不可與因移檄夏人不
 償所掠則香亦不可得既而兵亦解去未幾杞卒杞
 博覽強記通陰陽術自推其數曰吾年四十九死矣
 卒如其言有奏議十二卷子劾杞之將死一日據廁
 若見蒙趕區希範叱之曰若狂僭叛命於法當誅尚
 敢來訴邪

湯敦實曰希範可醢而蒙趕等不宜盡殺然杞非有私怨其心爲國防患故雖血氣既亂而終不感于所見 原本六百上有而字違訛連

張詠字復之濮州人太平興國中登進士第累擢至
 樞密直學士御史中丞禮部尚書卒年七十贈右僕

射詠爲文尚氣不事雕飾自號乖崖公有文集十卷
 知杭州遇歲歉民私鬻鹽者輒寬之使獲安濟有與
 其姊壻訟家財者壻言婦翁疾篤子纔三歲遺書明
 言異日貲產以十之三付子餘悉與壻詠曰汝婦翁
 智人也苟以七與子子死汝手矣知益州恩威竝著
 其政令法度後人不能增損知昇州州數遭火詠廉
 知民之不逞者爲之懲以峻罰其患遂息少學擊劍
 頗得其妙兼通術數好爲大言喜事奇節常有士人
 游宦遠郡不能制其僕詠假以出郊趨澗林斷其首

大奇

而還詠卞急中歲苦腦癆御下益峻不喜人拜有拜之則速拜不已或倨坐忿罵少以介潔稱晚節頗以營產侵刻失其故步

遭原作遺速一作連

种放字明逸京兆人父卒於長安放纔七歲能屬文與其母隱於終南山豹林谷結茅為廬博通經史士大夫多從之學得束脩以養著蒙書十卷人多傳之淳化中詔起之其母恚曰常教汝勿講學今為人所知不復得安處我當棄汝入深山矣放遽辭疾不應名盡焚其筆硯轉居窮寂上亦不强致而命京兆府

時存問之放常幅巾短褐攜琴酒坐盤石以自適豹

林谷至州郭七十里徒步從樵夫往返不以為勞其

學不喜釋氏常裂佛書以製幃帳著嗣禹說表孟子

原上十又作人

上下篇善為歌詩自稱退士作退士傳又號雲溪醉

叟咸平中母卒詔賜錢助其葬不受廬墓終制張齊

賢蒞長安表其節行詔召放即起賜對便殿授右司

禮遇古○今罕及○

諫直昭文館賜居第什器大官食翌日又賜緋魚遂

謁告還山閒來朝覲其後又居嵩少數遣使問勞賜

予久之除起居舍人擢諫議大夫祀汾陰恩加工部

侍郎一日名從學諸生餽酒與汝輩訣酒數行而卒
 終身不娶無子詔錄其姪世雍同學究出身放在朝
 廷有所啓奏必據經義時無知者或譏其循默真宗
 乃以放議十三篇示輔臣曰放為朕言事甚衆但外
 廷不知耳其奏常焚橐故也上常欲大用之詔詢治
 道放固辭晚年日縱酒西祀頓盛飾輿服或以券直
 親詬驛吏頗貽譏訥放在京師王嗣宗除京兆守屢
 造放不為禮嗣宗怒語及其進取放曰不猶愈於角
 力而中第者乎嗣宗試藝講武殿日常程力以冠甲
 未免太甚非隱士高致

科故放及之嗣宗漢銜其言及主京兆又閒乘醉慢

罵嗣宗嗣宗因其弟姪强市田產興訟遣人詰責放

又條上其不法事詔問狀會赦釋因別賜第嵩山命

徙避嗣宗焉

頓原作頓下頓字且不合盧字意

楊億字大年建州浦城人祖文逸常夢一羽衣自稱

懷玉山人覺而億生有毛被體其長盈尺踰月始墮

能言母口授以孝經隨卽記誦六歲學吟詩七歲善

屬文太宗聞之詔江南轉運使李去華以所試文同

送赴闕繼三日賜對面試詩賦五篇援筆立成時才

十一歲上大嗟賞命內侍送至中書令賦詩一章宰
臣等刻章稱賀詔授祕書省正字有進修不已砥礪
彌堅越景絕塵一日千里之句既謝卽求歸鄉里喪
父服除從祖徽之知許州往依焉徽之間與語歎其
學問該博曰興吾門在汝矣淳化中詣闕獻文命讀
書祕閣召試賜進士出身久之除直集賢院徽之在
襄卽幕下書疏一以委億及真宗卽位累擢知制誥
景德三年入翰林爲學士母有疾謁告不俟報而行
因以疾求解官授太常少卿分司疾愈知汝州會加

玉皇聖號表請陪祠名爲寶冊參詳儀制副使久之
遷工部侍郎知貢舉坐譴降祕書監母喪詔起復工
部侍郎翰林學士卒年四十七子紘給俸終喪景祐
元年樞密使王晦叔上億天禧四年代寇準草奏請
皇太子親政斥丁謂等姦邪事準旣逐億亦憂畏而
卒仁宗嘉歎下詔褒顯之特贈禮部尚書賜諡曰文
有司舉故事非常任二府及事東宮賜四品無贈官
上曰億爲國竭忠有君子之大節可拘以常典乎億
初爲光祿寺丞太宗賞花後苑召命賦詩座側對輔

○主○臣○奇○遇○
臣誦其警策句。明年苑中曲宴。億復獻詩。上詔有司。不時召對。曰：非貼職制。不與立命。除直院表求歸里。中迎母。特賜錢十五萬。太宗知其貧。故屢有霑賚。時之公卿。賡翰皆出其手。在西掖。有詔以吏部主事爲大理評事。億封還詔書。同王欽若修冊府元龜。詔書局衆論取決於億。修太宗實錄八十卷。億獨成五十卷。於歷代典章制度。尤爲該洽。故朝廷議論必取正焉。經傳子史百家之學。罔不通貫。爲文敏贍。起草細字。一幅數千言。不加點竄。對客談笑。揮毫無滯論。

治道談世務。必稽古驗今。究切利病。厚風義。重名教。誘進後學。樂道人善。賢士大夫翕然宗之。然評品人物。黑白大分。姦邪之所疾。惡讒毀。因以聞母病。不俟

報而行。皆以爲慢朝廷。又有以詆時政之語達於上。

讒○毀○可○畏○如○此○非○遇○主○豈○能○免○正

上愛之。有素而又且力爲開釋。故僅免焉。在翰林。常以疾告。上遣使挾太醫診視。表謝。上批紙尾。賜詩有副。予前席待名賢之句。其顧遇如此。晚年畱意釋典。臨終有空頌一章。其文有括蒼武夷穎陰韓城退居汝陽蓬山冠蓋內外制刀筆集共一百九十四卷。又

別出西崑酬唱。號郡文齋。穎陰聯唱。南陽釋苑等集。
 又手錄時人所作。為儒苑時文錄。數千篇。真宗常謂
 王旦億詞學無比。後學多所法則。如劉筠。宋綬。晏殊
 而下。比比相繼。文章有正元元和風格。自億始也。日
 後進皆師慕億。惟李宗諤久與之遊。終不能得其

鱗甲。蓋李昉詞體弱。不宗尚經典故也。
宗諤之父
 按億為宋代名賢。公詳敘其文行。又欣幸其遭逢
 極力闡揚。最有生色。

